

畏齋周祠客難

畏齋周禮客難卷四

南昌龔元玠琢山甫著

地官下

司市 廛人 肆長

客曰王畿之市幾何而司市以下大夫爲之耶曰畿內十里道
路之市四百家邑之市六十三小都之市二十一大都之市九
并國中之市共四百九十四市此司市爲四百九十四市市官
之長故其權不得不重曰孟子謂市廛而不征今廛人有紬布
總布此何稅耶曰紬布先鄭以爲列肆之稅布蓋古之市廛皆

君之地故凡列肆者皆以其肆之大小準屋之例稅之非別征其貨也。總布後鄭以爲守十斛銓衡者之稅。蓋有稅則不爭故亦計其所守之地幾何準屋之例稅之。非別於無肆立持者有所征也。與孟子之言未嘗或異。細玩自明。曰肆長之總布後鄭用杜子春之言以爲無肆立持者之稅。是否。曰無肆立持者日有稅則民病矣。蓋同一總布肆長分斂之。厘人總斂之耳。周禮言關市與孟子異處。家穆堂先生亦大疑之。嘗謂札問方望溪以求其故。今讀此及司門司關等篇而千載不決之獄立判矣。有稅則不爭。尤爲至論。震業李景修

司門 司關

客曰、司門職、正其貨賄、鄭氏以征稅釋之、然乎、曰、沒儀王氏曰、正者禁其淫侈而歸於正也、據下文財物犯禁者舉之、此說爲是、若如鄭說、則貨賄之出入門與關者皆兩征之、先王之困商母乃憐於後人乎、曰、司關之征屋、鄭氏以爲貨賄之稅、與所止邸舍、則貨賄固征於關、子曰、征屋者、卽征其屋之稅、非邸舍之外、別有稅也、孟子所謂關幾而不征者、亦謂不別征其貨、非謂邸舍亦無稅也、知鄭氏訓征字之誤、則周禮孟子固一一脗合矣、曰、貨不出於關、舉其貨罰其人、此豈非以其避稅乎、曰、非也、

凡貨之運於陸路者。每日所宿邸舍。未嘗無稅。必爲是者。爲其
貨賄犯禁。無從稽察。且恐有奸人出入。故舉其貨并罰其人。

遂人溝洫

客曰、遂人溝洫之制、鄭何以知鄉之制、與遂同也、曰、鄉遂之里、
居軍制、以五起、數故十夫百夫之制、不得不同、然所同者、十夫
百夫之制耳、溝洫則井牧皆有之、匠人之所稱是也、昔人或
以井牧溝洫爲鄉遂都鄙之別、誤矣、曰、十夫百夫之制、每鄉每遂、
作何分配、曰、一鄉爲萬夫者一、又千夫者二、又百夫者五、以四
州四黨五族區之、六鄉爲萬夫者六、又千夫者十二、又百夫者
三十餘、則以井牧之制行之、六遂三之餘、亦以井牧之制行之、
曰、地之形實、能一一如制乎、曰、雖不能如制、何害也、地之平行

者。可。由。十。夫。而。積。至。萬。夫。如。不。然。者。有。千。夫。百。夫。之。地。則。授。千。夫。百。夫。之。田。矣。有。十。夫。之。地。則。授。十。夫。之。田。矣。有。一。夫。之。地。則。授。一。夫。之。田。矣。要。使。一。鄉。之。內。合。爲。一。萬。二。千。五。百。夫。之。田。整。散。相。參。變。通。盡。利。聖。人。之。制。所。由。萬。世。無。弊。也。後。世。不。知。周。制。活。法。遂。謂。溝。洫。之。制。三。代。後。不。可。復。行。此。釋。經。者。所。爲。上。獲。罪。於。周。公。下。貽。害。於。萬。世。其。罪。不。可。勝。誅。也。曰。以。四。州。四。黨。五。族。區。之。者。何。也。曰。五。族。四。黨。四。州。合。之。爲。一。鄉。必。區。之。者。以。萬。夫。合。爲。四。州。之。田。千。夫。合。二。黨。二。千。夫。則。四。黨。矣。百。夫。合。一。族。五。百。夫。則。五。族。矣。若。復。細。分。之。一。比。則。爲。一。夫。者。五。二。比。則。十。夫。

矣。一閭則爲十夫者二，又爲一夫者五矣。又析之則爲一夫者二十五矣。一族則爲百夫者一，爲十夫者十，爲一夫者百矣。一黨則爲百夫者五，爲十夫者五十，爲一夫者五百矣。一州則爲千夫者二，又爲百夫者五矣。又析之則爲百夫者二十五，爲十夫者二百五十，爲一夫者二千五百矣。一鄉則爲萬夫者一，又爲千夫者二，又爲百夫者五矣。又析之則爲百夫者百，爲二十夫者二千，爲十夫者二千五百，爲一夫者萬矣。凡此皆見溝洫可隨地廣狹高卑斜曲爲之，不必盡如碁局之平也。曰六遂三之者何也？曰通上中下一家受二夫，則倍之通餘夫。

之半計之則三之

論復井牧

客曰、如公言十夫八夫之制、後世可復行、井牧之制、亦可復行、乎、曰、何爲不可、地平行則都之、不然則縣之、爲之、又不然則邱之、邑之、井之、又不然則大之、其井不能夫者、則畸之、如圭田五十畝、餘夫二十五畝、皆其畸者也、豈儒以由百畝中分之爲五十畝、四分之爲二十五畝、直不足當一噓已、曰、以今日計之人多田少、安能以百畝給之乎、曰、此正言井牧溝洫者之大惑也、司馬遷曰、六尺爲步、步百爲畝、周之一畝、僅百步之積、孰謂周百畝之卽今百畝乎、蓋歷代授田、多少不同、而所同者、必以

人爲程。周田百畝。一夫之所勝任也。推而言之。夏田五十畝。亦一夫之所勝任也。商田七十畝。亦一夫之所勝任也。今之畝制。不特遜於周。抑且四於商。三於夏。何以明之。如南方稻田。以中人爲率。一夫僅可種十五六畝。或加至十七八畝。雖上農亦不能更有餘力。然糞多力勤。足食十人。則十八畝可敵周百畝。與步百爲畝之數略相當矣。以方田數計之。周田百畝。當今田二十四畝。以此例之。平衍爲井牧山崖地角村落之旁池沼之曲。則制以爲疇。計畝數以授之。吾未見古制之必不可復也。蓋人衆於今日爲極。而田畝之墾闢亦於今日爲極。所以不慮其不足。稻田且然。況北地。

之土曠人稀其易行尤百倍於南方者乎曰如公言井牧之制誠可復矣然必如五溝五涂之舊法則所棄之膏腴無筭寧不可惜乎曰五溝五涂之設蓄洩有資非大水大旱不至歉收以故周之民常有餘三餘一之樂自阡陌既開蓄洩無備幸而倍收者十之一二不幸而荒歉者十之四五故阡陌開之利小而害大也且溝涂之利可以限馬足可以杜兼并可以養魚蝦可以蓄蓮菰菱芡可以種桑麻瓜瓠可以植烏柏木棉蓄洩之外利如此而乃以爲棄乎

角人 羽人

客曰此兩職所稱山澤之農受百畝之田否曰此乃無夫田之農山林九夫爲度九度當一井授九夫以當一夫藪澤九夫爲鳩八鳩當一井授八夫以當一夫其出邦賦亦如百畝之稅十一也曰春秋楚盡善地之法亦可以說周禮乎曰竊疑此實周禮之遺蓋山林藪澤等棄而不任則遺地利弛以與民亦起爭端今以九度八糾之制行之殊爲經理盡善之道卽周公當日未必一一盡如異義所云要必有近似者矣先儒鄭賈引此條以解井牧予亦深以爲然不以其不載於經而疑之也

司祿

客曰、昔人疑周禮設官過多、田祿不能給、今但就五官并鄉遂之官計之、已共得官二萬六千八百四十九職、冬官之屬及公邑之吏、尙在外、既有養子孫之采地、又有供職於朝之匪頒、其祿之所頒、與其所自出、亦有可概言之者乎、曰、據禮運大夫有采以處其子孫、知大夫以上始有采、邑又王制大夫士宗廟之祭、有田則祭、無田則薦、知六十三家邑之外、大夫無采地者、及受職之命士、始有圭田、三等采地、已據王制詳載、師職圭田五十畝、出於甸地、皆所謂世祿也、至家削之匪頒、則自公以下命

士以上無不與者合五官并鄉遂之官共二萬六千八百四十
九職以王明齋泰合春秋周禮爵祿之數通計之共止須十九
萬八千八百八十八夫之地便可足匪頒之額下士二萬三百
中士四千七百七
上士八千八百八十八夫共一萬一千三百四十八夫
之上士八千八百八十八夫共一萬一千三百四十八夫
十五視侯國之大夫八人入夫共三萬八千二百夫元士一千三
百九十二視大國之卿八人入夫共四萬四千五百四十夫
下大夫二百六十視附庸人八十夫共二萬八千五百二十
夫中大夫六十視子男八夫共一萬八千八百八十夫卿
六視次國之君二人入夫共一千四百四十夫公三視大
國之君三人入夫共二千一百六十夫其所自出則太府所謂
合之得十九萬八千八百八十八夫家削之賦以待匪頒是也然家削之別有二其在稍地者五十
里之家邑凡六十三每邑各貢其六之一爲四甸之公田四百

夫六十三家邑計得二萬五千二百夫其在甸稍縣都九十三
國外者五十里之公邑凡二百一十有六甸稍縣都餘地計五
十四同有赤每同四
公邑合之每邑各貢其五十里之半公邑官屬少且不
世官故貢其半爲十二
甸之公田千二百夫二百十六邑計得二十五萬九千二百夫
合家邑所出共二十八萬四千四百夫除十九萬八千八百八
十八夫尙餘八萬五千五百一十二夫也

根據禮運王制及太府家創之賦以待匪頒句立解使世祿
匪頒來歷明辨皙也純粹精也世人疑周禮設官過多吏祿
不給者何不細心讀此文兄松丈

長齋周禮客難卷五

南昌龔元玠瑒山甫著

春官

吉禮

客曰吉禮祀天神三祭地示三享人鬼六其等差大略可得言
與曰祀昊天上帝所謂郊血也祫禘六享所謂大饗脾也祭社稷五祀五嶽所謂三獻燭也祀司中司命飄師雨師祭山林川澤四方百物所謂一獻熟也曰實柴樵燎二祀鄭以爲六宗果卽虞之六宗乎曰六宗出虞書未列其名家語宰我問六宗孔

子曰所宗者六、埋少牢於泰昭、祭時、祖迎於坎壇、祭寒暑、王官祭、日夜明祭、月幽祭、祭星、雩祭、祭水旱、祭法與孔子之言合、今經所列與家語祭法不同、其數亦復不符、何必牽合爲一也、曰司中司命、後鄭以爲文昌之第五、第四星信乎、曰此於經別無可據、或以爲星宿之名、多出於緯書、姑從其說可耳、曰五祀之說、孰爲九、曰五祀列社稷之下、五穀之上、則鄭據左傳家語以爲重、該修熙、黎、句龍、五官之神、確不可易矣、王平仲旣明乎此、而又以五官爲五帝、何其不詳考家語月令也、曰享先王、不言祫禘何也、曰鄭氏以首二享爲祫禘、姑從之、其四時之祭與毛

詩合與小戴記言春禘夏禘者異然禘嘗實有大禘大嘗時禘
時嘗之分乎禘嘗考辨之詳矣

禘嘗

客曰禘之名雜出於論語春秋經傳國語小戴記等書或以爲有大禘時禘之分或以禘爲禴或以爲三年喪畢之祭先生將何從曰按周禮大宗伯職以饋食享先王後鄭以爲禘祭然終未見其名據魯語祭法稱四代皆有禘祭似禘之名始於虞然別無所見蓋不可悉矣又記禮者於王制祭統則曰夏禘於郊特牲祭義又曰春禘於大廟曰不王不禘於王制又曰諸侯禘一牲一祫其合祭之人與舉祭之時又歧出不一矣今姑就傳記之言求之則分大禘時禘之論似不可易大約魯語四代之

禘禮運魯之郊禘非禮也大傳不王不禘僖八年禘於太廟襄
十年傳魯有禘樂賓祭用之及論語中庸之禘皆大禘也郊特
牲祭義之春禘王制祭統之夏禘閔二年吉禘于莊公僖三十
三年傳烝嘗禘于廟襄十六年傳晉人曰寡君之未禘祀及禘
于武宮昭十襄公昭二僖公定之類皆時禘也大禘專爲天子
之大祀時禘通行於諸侯二禘之義明而禘之見於諸書者皆
可無疑矣曰以禘爲禴者何如曰禘嘗竝舉釋禮者於祭統中
庸未嘗致疑獨於郊特牲祭義收禘爲禴自相矛盾何可從也
曰何以謂爲喪服卽吉之祭也曰先儒因吉禘于莊公寡君未

禘祀之言而有此論然予以爲貴與馬氏喪畢可以吉祭者爲可從耳曰嘗爲四祭之一與禘對舉何也曰四祭之嘗時嘗也時嘗之外別有大嘗祭統之言曰成王康王追念周公之所以勤勞者而欲尊魯故賜之以重祭外祭則郊社是也內祭則大嘗禘是也夫大嘗禘升歌清廟下而管象朱干玉戚以舞大武八佾以舞大夏此天子之樂也康周公故以賜魯也據此則大嘗與大禘同爲天子之祭非與四時之嘗同也明矣以此推之凡曾子問郊特牲祭義祭統燕居中庸等篇禘嘗對舉者皆大禘大嘗也其他四祭並舉者皆時禘時嘗也

分別大禘時禘較貴與馬氏之言爲尤暢。世之株守趙伯循之解者何其陋也。至大嘗時嘗云云則自有祭統以來從無人見及。

特爲拈出真議禮家一大快事

蔣莘畬

四命受器五命賜則 七命賜國 大宗伯

客曰四命受器註以公之孤王之下大夫當之王制稱大夫祭器不假何耶曰經明云四命則王制之說誤矣註引禮運夫子之言正與周禮合學者以周孔之言爲斷可矣曰五命賜則鄭云則地未成國之名方三百里以上爲成國此言何所本曰子男五命爵列五等典命中已明有國家之文何以云未成國耶蓋所謂賜則者子男爲小國之君其卿大夫得有采地賜之以治都鄙之八則也賜國者伯地九同侯地十六同其國以次而大賜之以附庸之國也依經立解毫無牽強鄭別爲臆說殊可

怪也。

大司樂至

樂德樂語樂舞三段

客曰。成均之。藝。以大司樂掌之。何也。曰。古者師之教弟子之學。惟樂之功用最神。故師保二氏所養。大比所賓。邦國所貢。必受學於大司樂。其所以優游涵養。鼓舞動盪。深入人心。有非人力所能與者矣。舜教冑子以夔。周教國子以大師。樂其揆一也。西漢博士隸太常。有成周遺意。而先王之樂已亡。後世更分大司成。太常爲二職。學與樂全不相關。數學遂俱不如古。此又古今學政人材升降一大界也。曰。樂德樂語之義云何。曰。暴慢驕鄙。邪穢渣滓。有一之未化。不可以言樂德。樂德。德之至極者也。唐

高下疾徐語默有一之未協不可以言樂語樂語語之至適者也子路行行不足於樂德率爾而對不足於樂語樂德樂語各如其分斯孔子所謂成於樂者非聖哲之流不足以與此也曰或謂以樂教人所以養其六德欲其達此六語其說何如曰離德語於樂而二之既不識德語并不識樂且於文理未安於樂舞句更不可通何如依經立義之爲確也

閔子長府之議可以當樂語之語子路負米百里可以言孝不可以言樂德之孝恐人疑篇中於六德六語外添設議論因復記此

中和祗庸孝友 大同樂

客曰中和祗庸孝友之六德異於鄉三物之六德何也曰此兼鄉三物之六德六行而爲言也以中庸爲主和祗統於中卽六德之知仁聖義忠和孝友統於庸卽六行之孝友睦婣任恤周公列其目目中有綱大學之恆言提其綱綱中藏目逮我孔子贊爲德之至推爲不可能歸之君子聖者而中庸之德乃益顯子思推而衍之然後中庸卽德卽道直上接二帝三王之傳而下啓趙宋諸儒之學聖經賢傳源流井然毫不容混宋儒誤以中庸之名創於孔子因指爲孔門傳授心法蓋未嘗沿波討源

固宜其說之疎漏已曰何以知中庸爲太學之恆言也曰據孔子稱中庸俱是現成名目且曰民鮮則知周初學校盛時民多有此德而他書又別無所見故知爲太學之恆言也曰和祇統於中孝友統於庸願聞其略曰謂之中謂之和六德之中中和也戒懼慎獨六德之祇也子臣弟友稱庸德孝友統於庸也吾中庸客難言之詳矣

中庸在六德中周公以爲成均之首教經文甚明不知前此何以無人見及豈經義源流大顯於世亦自有數存於其間耶。謂之中謂之和本卽此經中和二字因太學恆言以中

庸約六德而孔子又屢稱之故用中庸名篇三十三章莫非
六德衍義六德仍歸二德息心參之一一可想蔣莘翁

大司樂職祭祀用樂

客曰、大司樂祭祀用樂、既曰大合樂、以致鬼神示、又曰乃分樂而序之、以祭以享、以祀、又曰凡樂圜鍾爲宮、云云、其分屬既有詳畧之異、而其用之先後亦有所未審也、曰易氏曰、大合樂謂求神之後、合六代之樂、以致之分樂、而序之、謂薦神之際、各有其序、而六代之樂、各以類舉、此說得之矣、曰求神用何樂、耶曰、天神地示人鬼、各用一代、凡樂圜鍾爲宮、三條是也、曰求神致神、薦神之別如何、曰禋之前奏、求神之樂、既禋奏、致神之樂、此後薦腥薦熟等奏、薦神之樂、天神地示可類推矣、曰如此則求

神之樂次於薦神之後何也。曰此補敘之文也。鄭氏不知經文順逆錯綜之妙。而以爲禘大祭。此後人之所以深譏也。曰求神之樂。用九磬之舞於宗廟。薦神則舞大磬。以祀四望。又四望山川皆求神中所無。其不同何也。曰求神無論先妣先祖。皆用九磬之舞。薦則有大濩大武之異。祭地示以山川等。從祭專用咸池之舞。別祭則有大磬大夏之異。分合觀之。固自不相礙也。曰一變致羽物以下。鄭氏以爲大蜡祭百物者何如。曰玩經文六變致天神下。卽繼之曰六變八變九變云云。可知此段爲下文求神作引。非蜡祭用樂正文。要之蜡祭固不外此矣。

小舞樂師

客曰樂師教國子小舞有帔羽皇旄干人之異名陳祥道馬貴
與皆以爲雲門以下之器具然與曰非也小舞自是在大舞之
外者意祭祀用舞之時先小舞而後大舞與若如陳氏馬氏雖
似說經貫串然雲門以下之器具或在六者之中或并在六者
之外只如朱干玉戚以舞大武小舞何嘗有戚耶且經明云小
舞而釋爲大舞之器具恐於文義亦似難通耳

九夏 鍾師

客曰、杜子春以肆夏爲詩、又引呂叔玉之說、以國語所稱肆夏爲時蕞繁、過爲執競、渠爲思文、然與曰此解後鄭已不從、據疏以爲文王鹿鳴舉見在詩篇名、肆夏等舉篇中意義之故、然以享元侯之說思之、三夏蓋雅耳、鄭既知其篇亡、又以爲頌之族類復何據耶、又執競有不顯成康之文、乃昭王後所作、周禮九夏不得有此詩、以此思之、鄭賈之說疏、而叔玉之說直安也、曰、鄭以九夏皆詩篇名、爲歌之大者、夫子刪詩應在所存、何以樂崩遂皆從而亡也、曰、予亦疑之、然嘗以爲內傳文王鹿鳴稱工。

歌肆夏稱金奏。周禮九夏亦稱金奏。據朱子論鄉飲酒禮。奏南陔。白華。華黍。爲有聲無詞。似九夏亦應爲有聲無詞之樂。然則肆夏等。并非詩子春之說。亦未爲信也。曰韋昭又以肆夏爲樊昭夏爲過。納夏爲渠者。何如。曰只肆夏與樊重見其說之不足信。可知已。

關詩關雅關頌各章

客曰。關詩。關雅。關頌。鄭氏及後儒之說孰勝。曰。鄭氏以七月二章爲關風。六章爲關雅。卒章爲關頌。自始至終。別爲三體。牽強無理。先儒已非之矣。後人又以楚茨。信南山。甫田。大田。四篇爲關雅。思文。臣工。噫嘻。豐年。載芣。良耜。等篇爲關頌。其說似矣。而未的也。蓋嘗按經求之。楚茨。奉宗廟。無與於田祖。信南山。亦享祖考。且南山。非關山。二詩不得謂關雅。甫田。大田。其關雅與。思文。頌后稷之德。噫嘻。爲成王後之詩。皆無緣列於關頌。載芣。良耜。其關頌與。曰。臣工。豐年。何以不與。曰。臣工。戒農官。豐年。與載

交不相屬固不得強附之也。曰王氏謂本有是詩而亡之者何如曰安從見其亡也。三百十一篇除南陔白華華黍由庚崇邱由儀六篇無詞尙餘五篇過於三百之數故凡言詩亡者皆謬論不足信也。

長齋周禮客雜卷六

南昌龔元玠珠山甫著

夏官

軍將師帥旅帥卒長兩司馬伍長總論

大司馬

客曰周制軍將皆命卿則六鄉之鄉大夫卽六卿也師帥皆中大夫則三十州長也旅帥皆下大夫則百五十黨正也卒長皆上士則七百五十族師也兩司馬皆中士則三千閭胥也伍長皆下士則一萬五千比長也鄭釋軍將云凡軍帥不特置選於六官六鄉之吏自卿以下德任者使兼官焉未審周之人才交

武兼俊果能一一無負所使乎。曰。周制造士選士之法。永有不
嫻於武事而能登仕籍者。蓋自其入小學也。十三舞勺舞象。成
童習射御。其入大學也。春夏學干戈。秋冬學羽箭。其由大樂正
而升諸司馬也。司馬辨論官材。論進士之賢者。以告於王而定
其論。而後官之。則凡疎於武事不克中司馬之選者。樂正必不
升於司馬。司馬必不以告於王而官之矣。天子又親試射於澤
宮。中少者不得與於祭。則雖旣膺爵祿。猶無不以射自淬厲矣。
以此見周之人才文武止是一途。所爲策仕之後無事。則公卿
大夫士各供其職。有事則隨其高下。軍將師帥以至伍長。無所

施而不可也。

何故辨論官材、詔王爵祿必出司馬、其義直至今日始出、
秀升

大司馬兵制

客曰周之兵制或以軍言或以乘言其別若何曰邾遂之地由
伍兩卒旅遞積而爲軍守衛王國天子自將之兵也并牧之地
因甸出長轂一乘而爲乘隨時徵發更番調遣之兵也軍不可
以爲乘乘不可以爲軍自春秋後軍乘之法漸非周公之舊後
之談兵制者更混軍乘爲一蓋周禮兵制之不明也不自康成
始矣亦不自康成止矣又何尤焉曰軍不可以爲乘乘不可以
爲軍何謂也曰乘之制出於并牧其法車一乘甲士三人步卒
七十二人二十四人居前左右各二十四人居前者戰左右挾

轅後又二十五人去車二十五步所謂炊家子十人固守衣裝
五人廝養五人樵汲五人是也并甲士步卒共一百人軍之制
出於鄉遂五人爲伍十人爲聯伍長皆下士五伍爲兩兩司馬
皆中士四兩爲卒卒長皆上士五卒爲旅旅帥皆下大夫五旅
爲師師帥皆中大夫五師爲軍軍將皆命卿軍統師師統旅旅
統卒卒統兩兩統伍一卒之衆下士二十人中士四人上士一
人共甲士二十五人并步卒共一百二十五人一軍之衆下士
二千五百人中士五百人上士一百二十五人上大夫二十五
人中大夫五人卿一人卿大夫士共三千一百五十六人并步

卒共萬五千六百五十六人軍乘之異制如此如之何軍可以
爲乘乘可以爲軍也曰軍制用車與乘同否曰此宜具於小司
馬軍司馬之職今已不可復知然嘗以意求之鄉遂爲王之精
兵族師有帥四閭之吏按六畜車輦之文里宰有比六畜兵器
之文疑每閭里有一車一輦每比鄰有馬有牛用兵之時一卒
之中卒長兩司馬宜皆車伍長宜皆騎其百人乃爲步卒與曰
春秋後軍乘之法漸非周公之舊可得聞與曰以軍言管仲相
齊參國作內政爲軌五里、連十鄉、之制兵有伍五、小戎十
人卒二百、旅二千、軍萬之名將有軌長里有司連長鄉良人帥

之號則已變。周公鄉與軍之制矣。然家一人猶之周也。至晉作州兵，則征繕於一人之外。齊宣王臨淄之中，七萬戶，戶三男子，爲卒二十一萬，則更兼正卒羨卒而盡用之矣。又如魯作三軍，三子各毀其乘，使其乘之人以其役邑入者，無征言。乘言邑，則并軍乘之名而混之矣。至若軍師旅卒兩伍之遞制者，終二百四十二年，以至於戰國，未之一見。此軍之濫，非周公之舊也。以乘言，楚人二廣之法，一乘至用百有五十人，其數增舊之半矣。鄭作邱賦，魯用田賦加賦於邱之外矣。魯作邱甲，三甸增一乘矣。又如魏舒崇卒，敗狄，毀車以爲行，五乘爲三伍，甲士且變爲

伍矣。用此知列國之乘類多變易。此乘之法非周公之舊也。意
軍乘之變易無常如此。宜乎後世用兵談兵者之茫如也哉。
說經談兵家可曾夢見否。作者嘗語予曰。命子封帥車二百
乘。乘也。公伐諸鄆。軍也。衛車當其半。乘也。寡人當其半。軍也。
可知看經貫串無書不可通。後輩讀書心粗不能冥搜細研。
雖盡萬卷終書麓耳。安能有心得哉。盛于奎

王畿兵賦實數

客曰王畿兵車萬乘以一乘百人率之當用士卒百萬人周之
兵若是其盛乎曰此猶未足以盡王畿之兵也蓋王畿百同爲
甸者萬曰萬乘者概以甸通率之耳以實數計之有六鄉六遂
之兵有鄉遂外邱甸之兵有稍縣疆公邑邱甸之兵有采地鄉
遂之兵有采地邱田之兵莫非天子之兵也以公邑專言之不
過六千餘乘以畿內通言之則鄉遂十二軍公邑六千零四十
一乘采地鄉遂一百零二軍采地邱甸一千二百十六乘通計
士卒正數約二百十五萬零七百有奇蓋倍百萬而更過之矣

曰鄉遂十二軍不待言矣公邑之兵及采地鄉遂邱甸之兵願
終言之曰遠近郊六鄉外餘地積二百八十六甸一邱三邑一
井零三夫甸地六遂外積八百五十九甸一邱二邑稍地家邑
外積四百二十五甸縣地小都外積一千七百七十一甸置地
大都外積二千七百甸此公邑六千四十一乘之兵也九大都
各一鄉一遂得十八軍二十一小都各一鄉得二十一軍六十
三家邑各一鄉得六十三軍此采地鄉遂一百零二軍之兵也
大都外鄉遂餘地積三十六甸一邱一邑二井零三夫有半九
大都共積三百二十七甸零二邑一井四夫有半小都一鄉外

積二十九甸一邱一邑一井零七夫二十一小都共積六百十六甸二邑一井零三夫家邑一鄉外積四甸一邱一邑一井零七夫六十三家邑共積二百七十三甸一邱三邑此采地邱甸一千二百十六乘之兵也六鄉六遂之兵合之得十五萬人公邑六千四十一乘之兵合之得六十萬四千一百人共七十五萬四千一百人采地鄉遂之兵合之得一百二十七萬五千人采地邱甸之兵合之得十二萬一千六百人共一百三十九萬六千六百人總計之爲二百十五萬七百餘人畿內兵賦實數盡於此矣曰甸出車一乘計夫筭之果如七家一人之說否曰

以甸計之、五百七十六夫之地、出車一乘、以人計之、一甸除公田六十四夫、得五百十二夫、又一夫受二夫之地、實止得二百五十六夫、大約八家出步卒三人、六十四家出步卒二十四人、一百九十二家共出步卒七十二人、以命士爲甲士三人統之、又六十四家卒二十四人、將重車、以命士爲甲士一人帥之、共爲一乘百人、以此言之、七家一人之說、似未考其實耳、曰出兵之制、何如、曰、四方有征伐之事、則以牙璋授卿、使帥采地鄉遂之兵、或邱甸之兵、以赴之、如小征伐及出戍、則以牙璋授公邑大夫、使帥邱甸之兵、以赴之、如王自將、則六卿從王、帥六鄉之

兵。以。赴。之。或。專。用。鄉。遂。或。兼。用。邱。甸。大。約。調。遣。多。者。惟。邱。甸。采。地。之。兵。鄉。遂。之。兵。王。出。則。從。王。不。出。則。守。衛。城。郭。別。無。調。遣。之。事。此。其。大。率。已。

蒐苗獮狩

客曰、大司馬四時之田、畿內皆與、大都去王城五百里、一歲四時就國教閱、不幾擾民乎、曰、非也、春蒐不及六遂之外、以道遠不欲以往來妨其農務也、夏苗兼鄉遂及家邑、不及都邑、秋獮兼鄉遂及都邑、不及家邑、冬狩歲晚務閒於四時之田爲特盛、始合畿內皆與、大約六鄉百里內一歲四田、六遂稍遠歲三田、家邑都邑又遠歲各二田、細玩經文自瞭然耳、曰、金鼓號名旗物之辨、各以時異、何也、曰、亦不然、只春蒐專係六鄉、人少禮略不辨號名、以帥之門、鄉之州所素習也、不辨旗物、以雜帛之物、

所熟識也。夏苗辨號名。又曰其他皆如振旅則兼辨金鼓矣。秋
 獮辨旗物。又曰各書其事與其號焉。其他皆如振旅則兼辨金
 鼓號名矣。惟冬狩三者皆辨故不言所辨。安在其各以時異也。
 曰此經所載旗物與司常不同。何也。曰無不同者。師都大都小
 都也。司常師都建旗。大小都之長也。此之軍吏載旗。即大小都
 之長。司常孤卿建旌。諸侯之孤卿并大小都之卿也。此之師都
 載旌。即大小都之卿。司常大夫士建物。王朝之大夫士并鄉遂
 之大夫也。此之鄉遂載物。即鄉遂之大夫。司常縣鄙建旐。郊外
 六遂中之縣正鄙師也。此之郊野載旐。即郊外六遂中之縣正

鄙師司常州里建旗州長以下之百官也此之百官載旗卽州長以下之百官反覆詳玩無不脗合王明齋心粗反以此經爲誤豈知文異而實不異哉曰古制四時農陳講武都家一歲二田不亦畧乎曰都家在本處亦自有四時之田蓋講武獵獸人所同欲都家四時之田外并就國教閱一歲計六田人君常田之外臨祭取鮮則鄉遂之民亦不止四田三田耳

作者所著各經客難皆實從先王制度及本經細心紬繹而出從無一字強經從我卽大司馬兵制王畿兵賦實數及此篇觀之其他可以類推盛水賓

國畿九畿

客曰大司馬國畿竝九畿其爲萬里與孟子王制不同何也曰以漢地志考之東西九千里南北一萬三千里許慎亦曰自黑水至東海衡山之陽至朔方經略萬里以今地圖參之亦及萬里然則周禮之言是而孟子王制之言誤也曰後儒多以孟子王制之言爲信者何曰蘇秦說六國燕齊各方二千里趙方三千里韓魏各方一千里楚方五千里以開方法計之合得四十四个千里東西周宋魯衛中山鄒滕等及諸小國尙在其外秦地大於楚得天下五倍之一統諸國計之爲千里者已七十有

奇過於後鄭所約六服七十七四十九个千里之數。何謂方千里者九耶。又周制三百步爲里。其視今地里之數。有過之無不及。故知周禮之言是。而孟子王制之言誤也。曰周之疆域。與禹貢九州同否。曰禹貢青州東至海。揚州東南界淮海。荊州南及衡陽。雍州梁州西至黑水。如許慎之所稱。莫非九州之地。唐虞與周寧有二耶。

技人馬數

客曰、技人良馬驚馬之數、及左右技之馬數、果如鄭氏所約之數乎、八麗八師八趣馬、鄭氏俱以八爲六字之誤、信乎、曰、據鄭註、技言成者、明六馬各一廐、而王馬小備、技有左右、則良馬一種四百三十二匹、五種合二千一百六十四匹、驚馬三之、則爲千二百九十六匹、五良一驚、凡三千四百五十六匹、然後王馬大備、其說混驚馬於良馬之內、殊與經文不合、又渠以驚馬三良馬之一種、因以經文自圉至馭天、凡馬千二十四匹、與三良馬之數不相應、因改八爲六、尤爲誕妄、予細玩經文、良馬驚馬、劃

然二段良馬由乘阜繫廐遞積而成技。技有左右俱以良馬言。每技千二百九十六匹中大夫二人各主一技合二千五百九十二匹。每良馬一種四百三十二匹爲二廐五種計二千一百六十匹爲十廐餘四百三十二匹各以其種共爲二廐此良馬之數也。駑馬三良馬五種之數合七千七百七十六匹凡七駑夫每駑夫千二十四匹爲馬七千一百六十八匹餘六百八匹疑亦分散於各駑夫以備病死此駑馬之數也。駑馬雖不以廐言亦別爲若干廐分隸二技十二閑可知。如此則八麗八師八趣馬之義旣通而左右二技良馬駑馬之數亦較整齊矣。且以

成周全盛之時、天子之馬不應如鄭說之數之少、今如予說、良馬駑馬乃得合一萬三百六十八匹、又以其次降殺之、邦國半之家三之一、而衛文駢牝三千、齊景千駟、亦可無僭侈踰禮之嫌、蓋曰駢牝則非駢非牝者尙在外、曰千駟則不成駟者亦在外、若如舊說、舉官民通數言之、又何足以見衛文齊景之富耶、曰如公說、則駑馬似太多、而良馬五種、反居駑馬三分之一、種馬齊馬道馬、雖可無缺於用、戎馬田馬、不太少乎、曰駑馬給役事、安得不多、良馬五種、較鄭說已增四百三十二匹矣、戎馬田馬、不病其少者、緣此止、共王路及試車、從車等、其餘所出、則舊

說所謂藏之於民。每歲取馬一匹。田獵征伐。臨時徵召之。說得之。

職方氏封國大數

客曰、據職方氏以千里計封國之數、有四公六侯十一伯二十五子百男之文、以九服通算之、可與千八百國之數合否、曰、止就大行人六服相距方七千里計之、已有餘、蓋四十九个千里、除王畿及四公共二千里、餘四十七个千里、十千里封侯、得六十侯、十千里封伯、得百一十伯、十千里封子、得二百五十子、十千里封男、得千男、共一千四百二十四國、餘七千里、以四千里封二百里之國、得百子、以三千里封百里之國、得三百男、合之得一千八百二十四國、畿內國及附庸不與此外沿邊各千五

百里爲方千里者五十一、皆在蕃國世壹見之列、蓋周家之詳於治內而略於治外有如此、

六服內五等之國一千八百二十四、附庸三百一十、共二千一百三十四國、六服外方千里者五十一、以二十五個千里封百里之國、二千五百以二十六個千里封七十里之國、五千三百零六國、餘六個十里、共七千八百零六國、內外計得九千九百四十國、并畿內九十三國、合之得一萬零三十三國、周官毛詩易傳、舉成數言之、故或曰萬邦、或曰萬國、

畏齋周禮客難卷七

南昌龔元玠珠山甫著

夏官 補編

小司馬

小司馬之職。掌國子之版。而辨其德與其材。以詔於王。而任之。以其次守王官。以其倅歸於諸子。掌受成均之士。而辨論之。以詔王爵祿。以五等次之。一日長。二曰主。三曰師。四曰儒。五曰吏。凡大比貢士。大國三人。次國二人。小國一人。都視次。國家視小國。一適曰好德。賜車服弓矢。再適曰賢。賢賜秬鬯。三適曰有功。

賜虎賁。一不適曰過。再不適曰傲。三不適曰誣。以王命讓之。凡
試士以司馬濫射人。試射司戈盾。試干戈。大司馬小司馬濫之。
以軍濫治軍。凡軍軍統師。師統旅。旅統卒。卒統兩。兩統伍。以時
閱其車輦。稽其馬牛簡其兵革。及致亦如之。凡都鄙大都二軍。
小都一軍。家一軍。有司治之以乘濫治乘。凡賦車甸一乘。同百
乘。王畿百同六千乘。以其餘爲都家之乘。諸公二十五同千乘。
王乘亦如之。諸侯十六同八百乘。王乘三之一。諸伯九同六百
乘。王乘三之一。以其餘爲都家附庸之乘。諸子四同。以其甸爲
乘。王乘四之一。諸男一同。以其甸爲乘。王乘四之一。乃命有司

稱以時會都鄙稍甸郊里之乘而稽其士卒車輦馬牛旗鼓兵
革之數及徵乘帥而以至比而戒之及戰巡之凡四方有故詔
王各以其方令征之出戍詔王各以其方遣之若國有大故令
令虎賁黃氏徵師於四方使各帥其乘以至凡小祭祀會同饗射師田
喪紀掌其事如大司馬之灋

客曰受國子之版論成均之士二條不見於大司馬何也曰
或疑小宰掌建邦之官刑治王官之政令糾禁而大宰無列
何也王昭明日宰治不通王官乎先之刳後陽治後之則慢
王官故無列此互備之也觀此則知此二條冠小司馬之故

虎賁氏職無以虎士賜諸侯之文書傳果可信乎曰傳
二十八年襄王賜晉侯虎賁三百人後之九錫皆祖此想其
說自有所受耳

軍司馬

軍司馬之職。掌受遷於司馬。以各治其軍。而掌其政令。以陳。遷授軍吏。凡一軍。小陳百有二十五。陳百人。卒長十五。帥之中陳二十有五。陳五百人。旅帥二十。帥之大陳五。陳二千五百人。帥五。帥之小陳藏中。陳中。陳藏大陳。大陳藏軍。軍將帥之大師。羣吏聽誓於幕前。涖敘行。王南嚮。羣吏左右各以其次。南面。軍將一行。六師帥一行。三旅帥一行。一百卒長一行。七百兩司馬一行。三伍長帥其伍。十行。長一萬五千。中軍北面而誓。乃令有司。氏。執鞭趨以命之。既誓。涖斬牲。以徇陳。軍吏不用命者。斬。

之。遂。狗。之。凡。比。軍。衆。贊。大。司。馬。攻。戰。巡。陳。亦。如。之。旣。戰。令。軍。吏。察。夷。傷。繕。甲。兵。若。師。有。功。叙。羣。吏。之。多。以。告。於。王。以。授。司。勳。若。師。不。功。叙。羣。吏。之。罪。以。告。於。王。而。誅。戮。之。大。會。同。以。師。從。亂。次。者。戮。之。巡。守。亦。如。之。

客曰。軍將誓師。羣吏左右各以其次南面。中軍北面而誓。何也。曰。六軍出征。王在師中。中軍北面。不敢背王也。羣吏以次而卑。故南面無嫌。

輿司馬

輿司馬之職掌受灋於司馬以各治其乘而掌其政令凡乘馬
一驪牛十二車甲士三人徒七十二人重甲士一人徒二十四
人乃治車之卒伍以令陳三三爲小偏乘九三五爲中偏十五五
五爲大偏五乘二十二偏爲卒五十五偏爲伍一百二十五乘以徒之卒伍
戴之惟所用之及師羣吏聽誓於陳前與叙行羣吏各以其次
北面伍一行卒一行大偏一行中偏一行小偏一行主帥南面
而誓乃令有司燕衆執鞭趨以命之既誓燕小斬牲以徇陳
士不用命者斬之遂徇之凡兵車皆掌之凡舍以車爲衛及夕

令三鑿以城。凡比車果贊帥巡乘亦如之。其他皆如軍司馬。客曰。軍司馬。軍吏不用命者斬之。此曰士不用命者斬之。其異何也。曰。所謂軍吏。師帥。旅帥。卒長。兩司馬。伍長等是也。故不用命。則軍司馬斬之。所謂士。則各乘之甲士四人。是也。故不用命。則與司馬斬之。

行司馬

行司馬掌凡軍乘之行陳之事。凡行師在塗，以其長爲之行，及舍，以其局爲之行。聽誓，以其等爲之行。將戰，以其陳爲之行。糾行之不式者，陳之不整者，亂行者，戮之以徇。徒不用命者，亦如之。凡會同巡守，掌其師之行列之事。

客曰：亂行者，戮之以徇，此何等人也？曰：行司馬兼掌軍乘之行陳，觀魏絳戮揚干之僕，則軍吏甲士亂行皆在所戮矣。徒亦統軍乘之徒言。

崇齋周禮客難卷八

南昌龔元玠珠山甫著

秋官

秋官刑罰總論

客曰、先生於呂刑刑罰並舉之罰、爲罰金、始於虞之金作賸刑、
今秋官言刑罰各職、願一一析言之、曰、小司寇之八辟麗邦、濫
附刑罰、據濫論刑、援刑論罰也、士師之五禁左右刑罰、五戒先
後刑罰、則欲其不麗於刑罰也、司刑以五刑之濫、詔刑罰刑疑
則入罰也、司圜之刑不虧體、罰不虧財、刑但加明、刑不傷肌、罰

但施職事不出金也。曰：罷民不入五刑，但以明刑恥之，何爲不可以金贖也？曰：此所以爲收教也。如以金贖，則有金者終於罷民，永不能改矣。此與學校之刑不准金贖者，正可參看。曰：五刑墨劓宮剕殺各列其目，何以五罰不列目也？曰：因前代也。自虞立贖法，夏商因之，周初亦因之，故不列目也。至穆王恤刑，重加增損，故特列其目。吾於呂刑言之備矣。曰：金作贖刑，則罰以金宜矣。何以職金又兼貨罰也？曰：無金有貨者，許以貨代金，亦得免罪，所以廣自新之路，見聖人立法之善愛民之至也。

司民職

客曰此職掌登萬民之數亦書年月日名否曰此與媒氏職互相備也觀辨其國中都鄙郊野云云則必并書生者之父云某某某甲之男某甲之女某年某月某日生乃見分明云歲登下其死生則不但登其生者并登其自他來徙者不但下其死者并下其徙於他及以罪流放及在國土者親於王冬獻數於王可知也不然必雜亂而不可稽已以此推之媒氏亦必辨其國中都鄙郊野可知不然亦雜亂不可稽已曰此職屬於秋官何也曰不屬地官而屬秋官且列於司刑司刺司圜掌囚掌戮之

前於此見聖人愛民之至。登於天府之數。不欲其入於刑辟也。蓋司民孟冬獻民數。王拜受之。必取而關之。入司刑五刑者。若干人。入司刺刑殺者。若干人。入圖土而出者。若干人。入掌囚待刑殺者。若干人。入掌戮。臠焚辜肆者。若干人。其少也。司寇行戮。君爲之不舉而已。其多也。則必有食不甘坐不安。傷心於麗刑辟者之多。以傷天地之和者已。至於數生齒繁而國用裕。固其後焉者也。曰媒氏。僅下土二人。司民則中士六人。官尊員多。何也。曰媒氏自司嫁娶。聽陰訟外。無他事故。二人分管六鄉郊野。部鄙足矣。司民孟冬獻民數於王。三年大比。又獻三年總數於

王登於天府其事爲繁故必六人分管六鄉郊野都鄙乃足以
給也要之二職實徧布周密之根抵蓋有二職則民數燦列於
版生死嫁娶無不可知而天患民病艱阨老疾鰥寡孤獨怨曠
等事易稽舉此西周盛時所爲無一民不得其所而致刑措也
宣王中興賢主及因喪南國之師料民於太原豈司民之職已
不舉耶然仲山甫有司民協孤終及司商司徒司寇牧工場稟
七協之言抑又何也

司盟職

客曰。據司盟之職。盟載之。瀝。天子以下士掌之。其載辭則詛。祝。爲之。春秋邦國之盟。掌其瀝。爲其辭者。何人。亦有此二職否。曰。據襄九年。十三國盟於戲。傳稱士莊子爲載書。則非王朝之詛。祝矣。十一年同盟於亳城北。載書內有司慎司盟之文。則司盟爲神名。非官名。然盟載不能無官。要知非王朝之司盟矣。又經文云。邦國有疑會同。則掌其盟約之載。春秋時。朝聘亦多有盟。則更與有疑會同之盟不同矣。又周制。大司寇蒞盟。不與盟也。春秋僖八年。盟洮。二十八年。盟翟泉。則以王人與盟矣。至成十

七年盟柯陵尹單與盟襄三年盟雞澤單子與盟昭十三年盟
平邱劉子與盟則皆卿公與盟矣僖九年盟葵邱率周公不與
盟人以此多桓公然三公兼宰蒞盟亦非也攝司寇乃可耳曰
宋儒或以盟詛爲識何如曰周禮有詛祝司盟等官猶文周繫
易衰世之意之類也後儒議之可謂不知時變矣且古人製盟
詛二字何爲也

司隸 五隸

客曰、司隸掌五隸、罪隸外有四翟之隸、無戎狄二隸、何也、曰、參
之小雅采薇詩序、文王之時、西有昆夷之患、北有獫狁之難、以
天子之命、命將帥、遣戍役、以守衛中國、故歌采薇以遣之、出車
以勞還、杕杜以勤歸也、尚書大傳亦云、文王四年伐犬夷、史記
云、明年伐犬夷、質成之皆與獫狁西戎之說、合然則西北二方、
文王用兵後、久已向化、成王時、二方不復用兵、故無戎狄二隸、
可列也、曰、蠻閩夷貉之征、伐未見於經也、曰、武王十三年肅慎
氏貢楮矢、十四年西旅獻獒、成王二年魯侯伐淮夷、六年越裳

氏獻白雉更參之汲冢周書王會解則四隸爲征伐之所得四
翟之所獻可知矣。曰此五職似多錯簡義多不可曉。曰司隸節
帥其民以下總言罪隸之事。帥四翟之隸以下總言四隸之事。
下分言之。罪隸節末其守王官以下十四字。依王明齋割入於
閭隸節之末。閭隸節掌子之子。依王氏以爲鳥所生。文義亦無
不可通矣。曰罪隸搏盜賊役煩辱積任器助率傍其事多矣。安
能復任囚執人之事也。曰所囚執者多所搏之盜賊。且司隸有
徒二百人。合之罪隸共三百二十人。亦不患其少矣。又按此囚
執人之事。屬之司隸。隸之秋官。則諸侯不得執他國之諸侯與。

大夫矣。况大夫乎。此諸侯相。執春秋所以議伯主。晉人執宋仲
幾春秋所以貶韓不信也。

野廬氏 修閭氏

客曰野廬氏掌達國道路至於四畿其官駐於何地其下士胥
徒專管兼管之制如何曰此官應駐於國外十里之首一廬分
管王畿千有二百廬者也下士六人一人管二百廬胥十二人
一人管百廬徒百有二十人一人管十廬每一廬應有府史各
一人徒四人貯薪米記簿冊造飲食經偶缺耳曰至則爲之辟
註以爲使守涂地者然乎曰守涂地之民皆有職業夜可以聚
據日則安能舍其所業爲有節有罰者辟行人也殆令本職之
徒及各廬之徒爲之辟與曰修閭氏專管兼管之制如何曰此

駐於國中者下士二人一人管三鄉徒十有二人二人管一鄉
廬各有供飲食之徒亦與野廬氏同可知曰國粥註以爲國所
游養羨卒竊以羨卒爲餘夫白有餘夫之田何復名爲國粥曰
嬰兒無依養於官者名爲國粥亦羨卒中之一種追伺盜賊則
修閭氏比之田獵竭作亦修閭氏比之可知矣

九年屬瞽史諭書名聽聲音 大行人

客曰、據子思書同文之言、則自周初至戰國時、六書無改於其舊、何以每經九歲必諭書名也、曰、六書雖創於三皇、增於伏羲、與蒼頡、而終不能全備、蓋後世物產自繁、事變日多、機智日出、書名宜隨時增益、以備用、天子有考文之權、故九歲中有新增之書名、必令史徧諭邦國、以協於一也、成康昭穆所增、不可考、若宣王命史籀增造、則已見傳記矣、曰、鑿聲音何也、曰、此瞽之職也、大司樂職、凡建國、禁其淫聲、過聲、凶聲、慢聲、聽聲音者、欲令盡歸於中聲也、二職之所繫、若此、在東遷後、已不克舉矣、

令諭書名之職舉則無得登之聲之訛樂洛沃要之韻之訛并
寸身爲射委矢爲矮之形與聲並訛矣聽聲音之職舉則無好
藍淫志之鄭音燕女溺志之宋音趙數煩志之衛音敖辟喬志
之齊音矣以此知周官所設之職後世不能不因而其實繁
且密於後世也

若國札喪則令賻補之若國凶荒則令周委之若國有師
役則令槁禴之若國有福事則令慶賀之若國有禍菹
則令哀弔之小行人

客曰、經稱令賻補云云、所令者何人、賻補等所需之物、出於何
人何地、曰、令云者、小行人奉王命、令該國諸侯及監臣也、賻補
等所需之物、則天子所食者半、及三之一、四之一、在五等封內
之地所出也、曰、願聞其詳、曰、吾於梓材、韓奕、大司徒、王制、春秋
傳、各條言之備矣、今叅各條、詰此經、固有可互相發者、蓋五等
封內天子之地、使大夫監之、如魯、單伯之類是也、單伯監魯、近

魯之國有須用王師王臣者。天子卽於魯命之。如莊王命單伯
逆王姬。僖王命單伯會齊伐宋。匡王命單伯如齊求昭姬。是也。
諸侯入貢於天子。天子加恩於諸侯。則以諸侯主之。咨會監臣
共經理之。而不見於傳者。每年常節不容瀆也。以此推之。此小
行人所令聘補等之物。皆出各封內。天子之地特令諸侯及監
臣計財物之數。稽會舊典。以與其事。故相稱耳。而或以爲會合
鄰國之財貨。或又以爲閒田之所儲備。皆非也。曰。此五令乃適
然所值之事。若非存賴省之年。諸侯有此五事。使者何人曰。非
存賴省之年。則小行人。事簡其出使不待言矣。平王下昭諸侯。

之。妾。不。使。小。行。人。而。使。宰。宰。不。能。諫。所。爲。書。以。譏。之。并。名。宰。以。責。之。也。